



## **Universitätsbibliothek Paderborn**

### **Annalium Paderbornensium Pars ...**

Complectens Inprimis Fusiorem Episcoporum Paderbornensium, Deinde  
Succinctiorem Historiam Reliquorum Per Westfalianum Antistitium, Tum Res  
Gestas Aliorum In Eadem Hac Regione Clarorum Virorum, Postremo  
Pontificum, Imperatorum, Principum &c. Gesta, maxime ea, quae  
Westfalianum contingunt

[772 - 1227]

**Schaten, Nicolas**

**Nevhvsii, 1693**

Dedicatio

**urn:nbn:de:hbz:466:1-7760**

REVERENDISSIMO  
CELSISSIMO  
PRINCIPI ac DOMINO,  
DOMINO  
**F**RIDERICO  
CHRISTIANO,  
EPISCOPO  
MONASTERIENSI,  
BURGGRAVIO  
STROMBERGENSI  
S.R.I. PRINCIPI,  
DOMINO IN BORCKELOHE.  
Libero Baroni  
DE PLETENBERG.



REVERENDISSIME AC CELSISSIME  
PRINCEPS.

**P**rodijt nuperrimè prior Historiæ Westphalicæ decas sub umbra Reverendissimorum, Perillustrium ac Generosorum Dominorum liberorum Baronum de Furstenberg, neque facilior illi defensio sperari poterat, quam ab ijs Mœcenatibus, quos magni fratribus ac Patrui FERDINANDI Episcopi ac Principis Paderbornensis & Monasteriensis, utpote auctoris, gloriosissima memoria exstimulabat. Nunc ea, quæ sequitur annalium pars, tuam tutelam, Rever.<sup>me</sup> ac Cels.<sup>me</sup> Princeps, humillime respicit, nec minus præsidij à tuâ protectione, quâm illa prior à suis Mœcenatibus sibi appromittit. Etenim post illos Furstenbergicæ familiæ, magnorum ac Perillustrium Vi-

rorum



## DEDICATIO.

rorum fæcundissimæ stirpis, proximus es,  
tam ex sorore Nepos, quam ex antiquissima  
apud Westphalos familia Pletten-  
bergica ad ardua & magnam boni publici  
utilitatem feliciter procreatus, qui post  
varias laboriosas legationes ad primarios  
Germaniæ exterisque principes, post su-  
prema Cathedralis & patriæ Monasterien-  
sis officia administrata, tot ubivis specimi-  
na excelsæ Virtutis, sapientiæ, & in rebus  
gerendis dexteritatis signa reliquisti, ut ex  
Consiliario intimo, Cameræ & judicij au-  
lici Præside in Decanum & Vicarium ge-  
neralem, ac tandem etiam in Episcopum ac  
Principem Monasterensem omnium  
votis, communi lætitia, & applausu Pa-  
triæ electus sis; patere proinde, Rever<sup>mc</sup>  
Præful, Princeps Celf<sup>mc</sup>, ut opus hoc con-  
tinens præclara in prioribus sæculis West-  
phalorum

## DEDICATIO.

phalorum gesta illi consecrem dedicémq;  
cujus sacram personam hâc nostrâ ætate  
eiusmodi eximia opera & virtutes ad cele-  
berrimam in Westphalia mytram evexe-  
runt, cuius perillustrem & jam ante 600  
annos Equestribus Germaniæ ludis cele-  
brem familiam tam numerosa majorum  
gloriosa decora tantopere illustrant. Ex  
quibus cæteros prætereundo (ne rem in-  
finitam faciam) pace ut spero tuâ, vel unum  
referam, heroica inclytum virtute, rará-  
que memorandum à felicitate Heroem  
**WALTERUM à PLETTENBERG**, or-  
dinis Teutonici Magistrum & primum  
Livoniæ Principem, totius Westphalicæ,  
imo verilis universæ Germanicæ nobilita-  
tis & nobilissimi ordinis insigne decus, qui  
post multa & magna cum Rigenib[us] præ-  
lia, iisque ad obedientiam redactis, fugatis-

que

(a) vid. Breve  
rebus b.  
Polon.  
ordin.



# DEDICATIO.

que ex Livonia Russis, aliisque feliciter gestis bellis, tandem anno 1502 (a) cum 7000 equitum Germanorum, 5000 Livonum & exiguo peditum numero, sed magna in Deum & beatissimam Virginem fiducia, prævia ad suos magnanimâ & piâ exhortatione, pro patriæ & Religionis libertate, centum & triginta Moscovitarum & Tartarorum millia uno prælio stupendæ internectioni dedit, dispersis ad duo millaria germanica 100000 cælorum cadaveribus, post hanc ab omnibus retro sæculis vix auditam victoriam magno Moscorum Ducipacem solahorium, quæ voluit, lege dedidit. Demumq; strenuissim, illic illius temporis Ecclesiæ & Religionis propugnatoris ob bellicam fortitudinem & singularia

(a) vid. Bredenb. de bello Livon. Russoru<sup>m</sup> fol. 56. Boz. lib. 8. de signis Eccl. & de rebus belli contra mach. c. 3. Herberstam tom. 1. sub fin. Levenç. tom. 3. Hist. Polon. Stangefol. lib. 3. annal. circuli Westph. Chytraus. Venator in histor. ordin. Teuton. c. 13.

## DEDICATIO.

Christianam Rempublicam & religionem  
merita ex Magistris Livoniae jure primus  
Imperii Princeps anno 1515 creatus, eam di-  
gnitatem gloriosis suis factis nobilissimo  
suo Equestri ordini acquisitam ad succe-  
sores in magisterio transmisit, postquam  
ordini & patriæ quadraginta & uno anno  
piè, paternè & laudabiliter, raro fortitudi-  
nis & pietatis exemplo, semper victoriosus  
præfuisse ac profuisse: hæc & similia, Cels.  
Princeps, tua tuorumq; majorum toga fa-  
goq; præclara gesta traxerunt me, ad hanc  
historiam de præclaris Westphalorum ge-  
stis tutelæ tuæ devotissimè subjiciendam,  
sub quâ facilem firmam & diuturnam ei-  
dem spero & opto defensionem, qui sum  
& maneo

CELSITUDINIS TUÆ

humilissimus servus

Christoph. Nagel, Typographus.